

七十二家集

劉豫章集引

劉士章與張思光周彥倫
齊名時為之語曰三人共
宅夾清漳張南周北劉中
央或曰劉繪貼宅別開一
門造諸規繼起乃遂大啟

興門而旁無貼宅矣孝儀
與兄壽綽弟孝勝孝威孝
先俱同生而瑤林競秀無
墮腰鼓之目者並世唯蕭
子顯子雲兄弟差足比方
若乃羣從及子侄名父章

者七十人却至諸妹並臻
父園則亘古無匹矣孝儀
長者內行尤歎剖符所之
俱著聲績不若孝綽之寡
諧殆古父行君子與試取
豫章集與秘書並陳是猶

陸家之在東西屋也

張燮識

劉豫章集目錄

卷之一

賦

歎別賦

樂府

從軍行

詩

和昭明太子鍾山解講

昭明太子鍾山解講附

和簡文帝賽漢高廟

簡文帝漢高廟賽神附

行過康王故第苑

聞怨

帆渡吉陽洲

劉孝威帆渡吉陽洲附

詠簫

詠織女

詠石蓮

和詠舞二首

舞就行

表

爲江侍中薦士表

爲江僕射禮薦士表

爲雍州柳津請留刺史晉安王表

爲臨川王解司空表

爲晉安王讓丹陽尹表

爲安成王讓江州表二首

爲臨川王解揚州表

爲南平王讓徐州表

爲臨川王奉詔班師表

爲始興王上毛龜表

彈文

彈賈執傳湛文

卷之二

啓

謝女出門官賜紋絹燭等啓

除建康令謝啓

上東宮啓

簡文帝在東宮與劉孝儀令附

爲晉安王謝東宮賜玉環刀啓

爲晉安王謝賜鵝鴨啓

謝東宮賜棹啓

謝東宮寶酒啓

謝晉安王賜宜城酒啓

謝晉安王賜銀褱絲帶啓

謝晉安王賜棋啓

謝晉安王賚陂陂啓

謝豫章王賜牛啓

謝豫章王賜馬啓

爲武陵王謝賜第啓

謝始興王賜車牛啓

謝始興王賜花紉筆啓

謝始興王賜柰啓

謝鄱陽王賜鉢啓

爲王儀同謝宅啓

爲王儀同謝國姻啓

書

北使還與永豐侯書

連珠

探物作豔體連珠二首

碑

雍州金像寺無量壽佛像碑

銘

平等剎下銘有序

附錄

劉潛傳

唐姚思廉

餞臨海太守劉孝儀蜀郡太守劉孝勝

梁簡文帝

冬日家園別陽羨始興

弟劉孝勝

遺事

劉豫章集卷之一

梁彭城劉潛孝儀著

明閩漳張燮紹和纂

賦

歎別賦

在羈旅兮爲思每在常而不樂意難侂於駢蕩
情易邀於墮穠愁非招而自來憂試排而不却
退求已以自省慨撫衿而太息位不俟於一進
髮徒彰於二色名有似於務耕學無均於磬織

在初歸之爲慶庶因拙而自收保私庭之宴喜
共昆弟而嬉遊校小文於搖筆比楷式於臨流
止每歡於接膝行如喜於同輶忽一去而數千
遂離居而別域阻同被於當寐乖共餐於終食
唯憑遠望以代歸負相思其無力

樂府

從軍行

冠軍親挾射長平自合圍不落雕弓燥氣秋征
鴈肥賢王皆仙膝幕府後車威何謂從軍樂往
返速如飛

詩

和昭明太子鍾山解講

詔一作韶樂臨東序時駕出西園雖窮理遊盛終

爲塵俗喧豷如弘七覺揚鸞輦四門夜氣清簫
管曉陣爍郊原山風亂承牀初景慶文轅林開
前騎騁逕曲羽旄屯煙壁浮青翠石瀨響飛奔
廻輿下重閣降道訪真源談空匹泉涌綴藻邁
弦繁輕生逢遇誤並作輩龍鴈顧已同偏爵何
用挹衢樽

昭明太子鍾山解講附

清宵出望園
詰晨屆鍾嶺
輪動文學乘
笳鳴
賓從靜
瞰出巖隱
光月落林餘
影糾紛
八桂
密坡陁
再城永
伊予愛丘壑
登高至節景
迢
遙
觀千室
迢迢觀萬頃
卽事已如斯
重茲遊
勝境精理旣已詳
玄言亦兼逞
方知惠疑作惠
帶人囂
虛成易屏眺
瞻情未終
龍鏡忽遊騁
非曰樂逸遊
意欲識箕顙

和簡文帝賽漢高廟

珪幣崇明祀牲樽禮貴神風驚如集廟光至似
來陳徘徊靈駕入呬咷倡歌新將言非爲已致
敬乃祈民多才與多事今古獨爲鄰

簡文帝漢高廟賽神附

玉軼朝行動閭闔且應開白雲蒼梧去丹鳳
咸陽來日正山無影城斜漢屢迴瞻流如地
脈望嶺匹天台欲祛九秋恨聊舉十千杯

行過康王故第苑

英華作劉孝威今
從初學作孝儀

入梁逢故苑度薛見餘宮尚識招賢閣猶懷愛

士風靈光一超遠衡館亦蒙籠洞門餘舊色其
棠留故藂送禽悲不去過客慕難窮池竹徒如
在林堂暖已空遠橋隔樹出迴澗隱岸通芳流
小山桂塵起大王風具物咸如此是地感余衷
空想陵前劒徒悲壟上童

閨怨

本無金屋寵長作玉階悲一乖西北麗寧復城
南期永巷愁無歇

玉臺作畫

應門閉有時空勞織素

巧徒爲團扇詞匡牀終不與何由橫自私

帆渡吉陽洲

孝威同賦

揚帆乘浪擊撾鼓要風力近猶憊而遐遙山俄
已逼欲比驚龍掣將頓陽鳥翼客行悲道遠唯
湏前路極

劉孝威帆渡吉陽洲附

江風

一作潮

凌曉急鉦鼓候晨催幸息榜人唱

聊望高帆開聯村倏忽盡循汀俄頃回疑是
傍洲退似覺前山來將與圖南競誰云勞泝

洄

詠簫

英華作孝綽今從藝文作孝儀

危聲合鼓吹絕弄混笙簾管饒知氣促釵動覺

唇移蕭

一作仙

史安爲貴能令秦女隨

詠織女

藝文作孝威

金鈿已照曜白日未蹉跎欲待黃昏後含嬌渡

淺河

詠石蓮

蓮名堪百萬石姓重千金不解無情物那得似

人心

和詠舞

迴屣裾香散飄衫鈿響傳低釵依低管曼腰入
繁絃

又和

轉袖隨歌發頓屣赴絃餘度行過接手迴身乍
歛裾

舞就行

依歌移弱步傍竹艷新粧徐來翻應節亂去反
成行

表

爲江侍中薦士表

臣聞天道不言資寒暑而成歲宸居垂拱寄守
宰以宣風若夜魚不欺朝琴在奏則殘殺自去
汾射可追伏見鎮北府水曹參軍濟陽江興字
休恭立身貞白操業清廉頗涉書記彌閑刀筆
前攝縣沮漳無傷錦製巡行淮海不忝繡衣若
處以百里之邑使導一鄉之賦必能治文無害
迄用有成臣舉不避族非欲異姓居後知人爲

難寔緣所悉而薦

爲江僕射禮薦士表

陛下緝禮裁樂化俗移風當宸思治分宵夢相
枯斧之珠旣掄潤山之玉已薦伏見兼太學博
士會稽賀瑒字德瑒幼能弁藻長則琢磨結卷
就賢擔簦來學鄉塾染其丹采朋友扣其洪鍾
聲無愧於東筠材有踰乎西杞如使聯事宗伯
握蘭建禮庶用得其才人知自勗臣鑒非止水
職豫搜揚前竭謏聞先自鄉曲

卷一
為雍州柳津請留刺史晉安王表

楚備寶臣秦兵不入齊多君子魏珠恥照足使
文公懼而側席孟軻歎而廢寢敢言借寇之願
切望申耿之恩陛下昔在潛龍因茲或躍固以
陋撫撫於周原包匆匆之佳氣昔次君出撫迤
駕班輪喬卿在政遷授袞服焉馮熊軾而督盜
御龍章而行部無虧燹理有光司牧

爲臨川王解司空表

臣以庸薄謬竊隆重職班三事任總六條衣袞
坐視旣閑論道馳傳懋棠允慚爲政而俯司土
地仰燮陰陽懷撓之譏已彰愆伏之咎爰著今
水沴乃作旱魃爲災山無蒼蔚雲成煙火陛下
聞私未垂策免臣職是當逖責乞降茲台步協
此天人

爲晉安王讓丹陽尹表

臣聞盈尺徑寸易取琢磨南箕北斗難爲簸挹
何則良工質美在器成珍假名責實涉求必殆

爲安成王讓江州表

臣聞失晨之雞雖不怠於改旦敗駕之馬終取
忤於銜鑣臣昔牧淮管墨風咫尺一變至道易
以爲政而亂政莫理美錯待傷豈可復宣六條
闡化千里

又

臣聞六轡沃若不策玄黃之馬九成輪奐無求
擁腫之材何則跳踟之路已窮梁棟之用斯闕

爲臨川王解揚州表

臣自黜傳斗牛作牧淮海政刑兩空璿璣六運
旣昧弛張之要猶慚大小之獄故以結泳濡翼
取愧能官每一進思無忘退食誠復恩私可憑
而獎倫難紊敢恃慈弘冒披心款乞解州任少
弭素餐

爲南平王讓徐州表

竊以淮岱務殷事垂坐嘯枌榆望重非可卧治
臣縣頓枕席動移旬晦恒恐尺波易流寸陰難
保寧可復冒此寵膺茲恩榮

爲臨川王奉詔班師表

臣自受服廟堂申威塞表旣驅熊羆之衆兼稟
帷幄之謀登濟河山夷滅趙魏將繫軹道之頸
且屈渭橋之膝而玄陰屈節和寒方始降此慈
弘愍茲介冑使燕然之石願勒而不刊函谷之
土將封而莫遂雖荷杖杜之恩終慙采薇之旨

爲始興王上毛龜表

臣聞嘉瑞五靈旣著方策故名千載可得而傳
是以玄蔡赤文來表軒黃之政神龜青純用顯
姬公之德出自江安寔荷謙夷之慶甲生毳羽
寧非銷鎡之徵實皇家之巨瑞庶民之休幸

彈文

彈賈執傳湛文

長兼御史中丞劉卒儀稽首言南康嗣王府行
參軍知譜事賈執與前中書舍人傳湛在王座
飲酒時上不安人從臺還聖體已和湛乃揚眉
瞋目謂執曰卿念天子我不見闕出悖慢言語
連及於上共執怱諍湛昔經殺牛誤父自殺近
效殘貪賄賂狼藉特逢解網宥其餘命自被棄
廢尤懷怨憤謗訕不遜謹按前兼通事舍人臣

傅湛才薄驚蹇特荷拙擢自預左右頻蹈極刑
抑對鞠書累逢闕過未聞報効反懷恚憤聖體
不安臣下憂懼而湛敢生怨望輕肆慢辭醜爭
及父心無愛敬戲語連上罪同悖逆未央馬瘦
不覩廐令之忠甘泉道蕪遽見扶風之罪宜其
狗乎東市尸彼轂門南康嗣王府叅軍臣賈執
始聞湛語初無逐雀之心末因私忿遂顯懷鵠
之逆雖跡似拆奸意由肆憾惡慢於人自彰穢
醜見辱父子已會季倫之辭爭及其父復入梁

歟之歎是使王嬙悲於連累黑要喜於得用太
子舍人始興蕃王臣蕭毅辛酉賜解爵預藩屏
而散金失所設醴垂人雍容之實永違於雕苑
號怒之客日醉於雷池致使博徒跼弛慢醉盈
路覩顏受辱曾無發糾並恕伯厚之心俱鳴路
粹之責臣等叅議請以見事依法免毅所居官
解執知譜事請議貶黜付之卿論不得廝預官
流刺尚施行輒不禁止

劉豫章集卷之二

梁彭城劉潛孝儀著

明閩漳張熒紹和纂

啓

謝女出門官賜紋絹燭等啓

臣孝儀啓左右袁文成奉宣旨宜知臣私營發遣垂賜紋絹二十疋燭二十挺臣家本貧敝事多蹇闕恒室金縷本非所宜孟姬作具猶苦未周殊澤曲臨珍華兼重制爲美服雙綺易儔秉

而不息三夜有待臣名品卑末事隔榮賜慈渥
之隆實見因心小人賤微豈能勝報

除建康令謝啓

所恐長安少年易爲操彈渴城游徼矜其獨勇
清路道奴固知難懼輕緩飛駕且見爲榮

上東宮啓

亡從弟遵百行無點千里立志同氣三荆之友
假寢十起之慈皆體之於自然行之如俛拾自
碣官陪宴釣臺從幸攀附鱗翼三十餘載滋味
與善一旦長辭劍匣允芒壁碎符采躬搖神筆
親動妙思雖每想南皮書憶阮瑀行經北館歌
悼子侯不足輩此深仁齊茲舊愛

簡文帝在東宮與劉孝儀令附

賢從中庶奄至殞逝痛可言乎其孝友淳深

立身貞固內含玉潤外表瀾清美譽嘉聲流
於士友言行相符始終如一文史該富琬琰
爲心辭章博瞻玄黃成采旣以鳴謙表性又
以難進自居未嘗造請公卿締交榮利是以
新沓莫之舉杜武弗之知自阮放之官野王
之職栖遲門下已踰五載同僚已陟後進多
升而怡然清靜不以少多爲念確爾之志亦
何易得西河觀寶東江獨步書籍所載必不
是過吾昔在漢南連翩書記及忝朱方從容

坐首良辰美景清風月夜鷁舟乍動朱鷺徐
鳴未嘗一日而不追隨一時而不會遇酒闌
耳熱言志賦詩校覆忠賢雅揚文史益者三
友此實其人及弘道下邑未申善政而能使
民結去思野多馴雉此亦威鳳一羽足以驗
其五德比在春坊載獲申晤傳望無通賓之
務司成多節文之科所賴故人時相嬖偶而
此子溘然實可嗟痛惟與善人此爲虛說天
之報施豈若此乎想卿痛悼之誠亦當何已

往矣奈何投筆惻愴吾昨欲爲誌銘并爲撰
集吾之劣薄其生也不能揄揚吹噓使得騁
其才用今者爲銘爲集何益旣往故爲痛惜
之情不能已已耳

爲晉安王謝東宮賜玉環刀啓

苗密珍鋌利極鉤鉞謹當擁以雄身藉而安體
不令北海小雍孤擅穿滕之奇廬江佩刀獨表
不欺之驗

爲晉安王謝賜鵝鴨啓

形類沈文經符陶記晉臣羞筮吳覲未占復有
背如車蓋曾垂却月口疑犀櫓脚似魚懸出九
芝之池去千金之沼

謝東宮賜橘啓

多置守民晉爲厚秩坐入縑素漢磬封君固以
俛匹穰橙俯聯楚柚寧似魏瓜借清泉而得冷
豈如蜀食待飴蜜而成甜重似倒影陽池垂華
金堞信可珍若榴於式乾貴蒲萄於別館

謝東宮賚酒啓

興五齊之甘非九醞之法屬車未曾載油囊不
得酤試儔仙樹葛玄泥首才比蒲桃孟他銜璧
固知託之養性妙解怡神擬彼聖人差得連類

謝晉安王賜宜城酒啓

老儀啓奉教垂賜宜城酒四器歲暮不聊在陰
卽慘惟斯二理總萃一時少府關私莫能致笑
大夫落雉不是解顏忽值瓶瀉椒芳壺開玉液
漢樽莫遇殷杯未逢方平醉而遁仙義和耽而
廢職仰憑殊塗便申私飲未囑鼎恥已觀幘
傾耳求音不聞霆擊澄神密胝豈覲山高愈疾
消憂於斯已驗遺榮忽賤卽事不欺酩酊之中
猶知銘荷

謝晉安王賜銀褱絲帶啓

雕鏤新奇織製精潔越中玉女不得關思上方
名匠莫能議巧人情駭觀如見買臣之綬望貌
移姿似逢子訓之術

謝晉安王賜柑啓

便得削彼金衣咽茲玉液甘踰萍實冷亞水圭
立消煩餽頓除醕酢追嗤齊橘進不剖之實達
笑魏君逢裂牙之味

謝晉安王齊璣誓啓

龍璣傳其退誠可陋砥醢稱貴追覺失言上聖
聞雷未之能覆嘉賓流歆羞無辭寔

謝豫章王賜牛啓

觀其毛角相合骨像應圖曳流水而生光驚高
限其如接遂使上阜輒駕下澤是驅馮軾脩途
旣獲坐馳之致馴拳廣庭方念載憂之勗

謝豫章王賜馬啓

出自北冀來從東道僭越兩驂駟同八駿脩坂
且厲無復良樂之鳴長楸可走不假幽并之策

爲武陵王謝賜第啓

竊以南望朱鳥北距蒼龍右帶御溝左廻青路
早晏嬰之湫隘同潛岳之闕扃臣躬自官掖長
游城府雖輪奐之美多門而館第之私未暇今
輕舟將反高門遽錫遂葺宇築室百堵皆興雲
屋連甍一朝弘敞

謝始興王賜車牛啓

下官安於躡屨習以成性乘堅驅駿未所厝心
慈渥無涯每垂獎飾無後難載之朋將申興弊
之美濯龍望水未足儔光長門聽雷不能均響

謝始興王賜花純輦啓

麗兼桃象周洽昏明便覺夏室已寒冬裘可襲
雖九日煎沙香粉猶弃三旬沸海團扇可捐

謝始興王賜柰啓

酒泉之實稱於王賦瓜州之味記自張文亦有
太冲嗟其夏成子建暢其寒熟潘園曜白孫井
浮朱並見重於昔時而霑恩於茲日

謝鄱陽王賜鉢啓

珍窮貨貢製極範金用貴寶樽文包龍鼎雕鏤
海籍圖載山經閱衆靈於噐中弄神姦於掌裏
是令任后所欲遠慙漢世少君有覲遙荒齊寢

爲王儀同謝宅啓

昔晏嬰湫隘齊景營其爽塏孫歷無家晉武爲
之築館或功高千載德重一時故蒙考室之榮
以降葺宇之澤並辭而處傳芳前載臣才愧昔
人恩同徃哲豈宜妄荷重增疵茲但旬奴未滅
遽當輸兵之美環堵爲室遂得歌哭於斯

爲王儀同謝國姻啓

卽日主書王靜民宣勅安吉主降嬪臣第三息
實臣素里庸族蓬衡賤事隔伊緡之理望絕
下嫁之姬而聖慈猥洽鼻姻曲逮荆布陋飾已
膺凡獎負薪微胤復降肅聲頻煩叨荷內外榮
抃

書

北使還與永豐侯書

足踐寒地身犯朔風暮宿客亭晨炊調令飄飄
辛苦迄肩旌鄉雜種覃化頗慕中國兵傳李緒
之法樓擬衛律所治而毳帳難淹酪漿易厭王
程有限時及玉關射鹿胡奴乃興歸國刻龍漢
節還持入塞馬銜苜蓿嘶逗故墟人獲蒲萄歸
種舊里稚子出迎善鄰相勞倦握蟹螯亟覆蝦
蟇每取朱顏略多自醉用此終日亦以自娛

連珠

探物作豔體連珠二首

妾聞洛妃高髻不姿於芳澤玄妻長髮無藉於
金釧故雲名由於自美蟬稱得於天然是以梁
妻獨其妖艷衛姬專其可憐

妾聞芳性深情雖欲忘而不歇薰芬動慮事逾
久而更思是以津亭掩馥抵結秦婦之恨爵臺
餘姬追生魏妾之悲

碑

雍州金像寺無量壽佛像碑

昔堯乃則天莫能名其聖丘纔譬日無得稱其
道况復欲宣五品將歎三法固使迦葉恥其無
智龍樹羞其非辯猶聞獻蓋長者頌以七言無
學比丘陳其百句至有九輩性生一身補處塵
洗玉池神間金葉樹聲繁會趙簡於是未聞地
寶焜煌周穆之所不見昔者出城石轉還林現
疾夢樹旣沉梵花獨反猶有香枝疊衣紅爪紺

髮可得崇以妙利顯用珍函彼彌陀感化殊攝
日輪照曜月面從容毫散珠輝屑開異色似含
微笑俱注目於瞻仰如出軟言咸傾耳於諦聽
像復以其夕出住寺門始則映顯巖間猶對鷲
山之禮末又徘徊閭外似救毗城之疾空中生
樹豈曰難思火內披蓮未爲多有銘曰
奄有淨國寶應多祉葉產梵童花開釋子玉蓮
交映銀荷遙起伊尹慙桑伯陽羞李

附錄

劉潛傳

唐姚思廉

劉潛字孝儀祕書監孝綽弟也幼孤與兄弟相勵勤學並工屬文孝綽常曰三筆六詩三卽孝儀六孝威也天監五年舉秀才起家鎮右始興王法曹行參軍隨府益州兼記室王入爲中撫軍轉主簿遷尚書殿中郎敕令製雍州平等金像碑文甚宏麗晉安王諱出鎮襄陽引爲安北功曹史以母憂去職王立爲皇太子孝儀服闋

仍補洗馬遷中舍人出爲戎昭將軍陽羨令甚
有稱績擢爲建康令大同三年遷中書郎以公
事左遷安西諮議參軍兼散騎常侍使魏還復
除中書郎頃之權兼司徒右長史又兼寧遠長
史行彭城琅邪二郡事累遷尚書左丞兼御史
中丞在職彈糾無所顧望當時稱之十年出爲
伏波將軍臨海太守是時政網疎濶百姓多不
遵禁孝儀下車宣示條制勵精綏撫境內翕然
風俗大革中大同元年入守都官尚書太清元

年出爲明威將軍豫章內史二年侯景寇京邑
孝儀遣子勵帥郡兵三千人隨前衡州刺史韋
粲入援三年宮城不守孝儀爲前歷陽太守莊
鐵所逼失郡大寶元年薨卒時年六十七孝儀
爲人寬厚內行尤篤第二兄孝能早卒孝儀事
寡嫂甚謹家內巨細必先諮決與妻子朝夕俱
事未嘗失禮世以此稱之有文集二十卷行於
世

餞臨海太守劉孝儀蜀郡太守劉孝勝

梁簡文帝

碣石臨東海峨嵋距西候兩杜昔夾河二龍今
出守方無夜犬驚向息神牛闔涼風遶輕幕麥
雨交新溜念此一銜觴懷離在惟舊

冬日家園別陽羨始興

孝儀爲
陽羨令

弟劉孝勝

四鳥怨離群三荆悅同處如今腰艾綬東南各
殊舉且欣棠棣集彌惜光陰遽黠吏本須裁豪

民亦難御願勗千金水思聞五湖譽

遺事

劉孝儀食鯖鮓曰五侯九伯令盡征之魏使崔
劼李騫在坐劼曰中丞之任未應已得分陝騫
曰若然中丞四履當至穆陵孝儀曰鄴中鹿尾
乃酒肴之最劼曰生魚熊掌孟子所稱雞跖猩
膾呂氏所尚鹿尾乃有奇味竟不載書籍每用
爲怪孝儀曰實自如此或是古今好尚不同梁
賀季白青州蟹黃乃爲鄭氏所記此物不書未
解所以騫曰鄭亦稱益州鹿但未是珍味

西陽雜俎

新州五色藤筌臺皆一時精絕梁劉孝儀謝太
子五色藤筌蹄一枚云炎州絳藤麗窮綺褥得
非筌臺與蹄語訛歟

北戶錄